

## სახელმწიფო შესყიდვის შესახებ ხელშეკრულება N 21/12/16

ქ. თბილისი

30 დეკემბერი 2016 წელი

ერთი მხრივ, შპს „დელტა-ნეტი“, შემდგომში („მიმწოდებელი“), წარმოდგენილი მისი დირექტორის გია კოშორიძის სახით და მეორე მხრივ, სსიპ „სასწრაფო სამედიცინო დახმარების ცენტრი“ შემდგომში („შემსყიდველი“), წარმოდგენილი მისი დირექტორის დავით ტორუას სახით, „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტის, საქართველოს მთავრობის 2012 წლის 26 სექტემბრის #1805 განკარგულებისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ შესაბამისად, ვთანხმდებით შემდეგზე:

### 1. ხელშეკრულების საგანი

- 1.1. წინამდებარე ხელშეკრულებით „მიმწოდებელი“ „შემსყიდველს“ უწევს ინტერნეტის მიწოდების მომსახურებას (CPV 72400000).
- 1.2. ინტერნეტ მომსახურების სიჩქარე და ფასი რეგულირდება ამ ხელშეკრულების დანართი N1-ით .
- 1.3. ხელშეკრულების ყველა ცვლილება ფორმდება წერილობითი ფორმით, დანართის სახით, რომელიც ხელშეკრულების განუყოფელი ნაწილი იქნება.
- 1.4. მიმწოდებლის მიერ შესყიდვების ობიექტის მიწოდება განხორციელდება 2017 წლის 1 იანვრიდან 2017 წლის 31 დეკემბრის ჩათვლით.

### 2. ფასი და ანგარიშსწორების წესი

- 2.1. მომსახურების ფასი მოცემულია წინამდებარე ხელშეკრულების დანართ N1-ში. ხელშეკრულების სავარაუდო ჯამური ღირებულება შეადგენს 4320 (ოთხი ათას სამას ოცი) ლარს. მხარეები თანხმდებიან, რომ აღნიშნული ფასი მოცემულია წინამდებარე ხელშეკრულების ვადისა და მხარეთა შორის არსებული ხელშეკრულების სხვა პირობების გათვალისწინებით და მათზე დაყრდნობით.
- 2.2. მხარეებს შორის ანგარიშსწორება წარმოებს ყოველთვიურად. ანგარიშსწორება მხარეთა შორის ხორციელდება გაწეული მომსახურებების შესახებ წარდგენილი საგადასახადო ანგარიშ-ფაქტურის საფუძველზე, სრული მოცულობით, არაუგვიანეს საანგარიშო თვის მომდევნო თვის 15 (თხუთმეტი) რიცხვისა.
- 2.3. წინააღმდეგობა მხარეების მიერ წარმოდგენილ მონაცემებს შორის არსებობს მხოლოდ მაშინ, როდესაც ერთ-ერთი მხარე წერილობითი ფორმით და წინამდებარე პუნქტის მიხედვით დადგენილი პირობების დაცვით მეორე მხარეს წარუდგენს გადაანგარიშების მოთხოვნას გადაწყვეტილების წარდგენიდან არაუგვიანეს 5 (ხუთი) სამუშაო დღის ვადაში. მხარის მიერ გადაანგარიშების მოთხოვნაში დაფიქსირებული უნდა იყოს დარიცხული თანხისა ან/და მომსახურების რა ნაწილს ეთანხმება იგი და რას არა, რა საფუძველით ხდის სადაოდ დარიცხულ თანხას. ასევე, გადაანგარიშების მოთხოვნას თან უნდა დაერთოს ყველა ის დოკუმენტი თუ სხვა სახის მტკიცებულება, რომელიც ადასტურებს მხარის მოთხოვნის საფუძველიანობას.
- 2.4. 2.3 მუხლით განსაზღვრულ შემთხვევაში, თუ არსებობს წინააღმდეგობა მხარეების მიერ წარმოდგენილ მონაცემებს შორის, ანგარიშსწორება იწარმოებს ორმხრივად შეთანხმებულ ანუ არასადაო ნაწილზე, ხელშეკრულებით დადგენილ ვადებში. გადაანგარიშების მოთხოვნის მიღებიდან 2 (ორი) სამუშაო დღის ვადაში შეუთანხმებელ ნაწილზე მხარეები ქმნიან ერთობლივ კომისიას, რომელიც 20 (ოცი) სამუშაო დღის ვადაში სწავლობს მხარეთა მიერ წარმოდგენილ შესაბამის დოკუმენტაციას და უზრუნველყოფს შეუთანხმებელი ნაწილის შეთანხმებას. ანგარიშსწორება განხორციელდება შეთანხმების საფუძველზე ოქმის შედგენიდან 5 (ხუთი) სამუშაო დღის ვადაში. იმ შემთხვევაში, თუ მხარეები ვერ მიაღწევენ შეთანხმებას თითოეული უფლებამოსილია მიმართოს საქართველოს კომუნიკაციების ეროვნულ კომისიას ან/და სასამართლოს.
- 2.5. ყველა სხვა შემთხვევაში, ანგარიშსწორება იწარმოებს „მიმწოდებლის“ მიერ „შემსყიდველისადმი“ წარდგენილი გაწეული მომსახურებების შესახებ საგადასახადო ანგარიშ-ფაქტურაში დაფიქსირებული თანხების სრული ოდენობით წინამდებარე ხელშეკრულებით გათვალისწინებული ვადებისა და პირობების შესაბამისად.
- 2.6. ანგარიშსწორების ვადის გადაცილების შემთხვევაში, „მიმწოდებელი“ უფლებამოსილია „შემსყიდველს“ დააკისროს პირგასამტეხლო გადასახდელი თანხის 0.2%-ის ოდენობით ყოველ გადაგადაცილებულ დღეზე. იმ შემთხვევაში, თუ ანგარიშსწორების ვადის დარღვევა გაგრძელდა 5 (ხუთი) სამუშაო დღეზე მეტი ხნის ვადით, „მიმწოდებელი“ უფლებამოსილია შეუჩეროს „შემსყიდველს“ წინამდებარე ხელშეკრულებით განსაზღვრული ინტერნეტის მიწოდების მომსახურება და მისცეს „შემსყიდველს“ დამატებითი ერთკვირიანი ვადა ანგარიშსწორების (პირგასამტეხლოების ჩათვლით) ვალდებულების სრულად შესასრულებლად. ამასთანავე, მომსახურების ასეთი შეჩერება არ წარმოადგენს წინამდებარე ხელშეკრულების დარღვევას. თუ ასეთი დამატებითი ერთკვირიანი ვადის გასვლის შემდგომ ანგარიშსწორების (პირგასამტეხლოების ჩათვლით) ვალდებულება არ იქნება სრულად შესრულებული „შემსყიდველის“ მიერ, „მიმწოდებელი“ უფლებამოსილია წერილობითი შეტყობინებით

შეუწყვიტოს „შემსყიდველს“ წინამდებარე ხელშეკრულებით განსაზღვრული ინტერნეტის მიწოდების მომსახურება და ვადამდე შეწყვიტოს წინამდებარე ხელშეკრულება.

2.7. „ხელშეკრულებით“ განსაზღვრული პირგასამტეხლო(ები)ს დაკისრება წარმოადგენს „მხარის“ უფლებას და არა ვალდებულებას დამრღვევი „მხარის“ მიმართ. პირგასამტეხლოს მიღების უფლება მეორე „მხარისათვის“ მოპოვებულად ითვლება და შესაბამისი თანხა ექვემდებარება გადახდას, დამრღვევი „მხარისათვის“ წინასწარი წერილობითი მოთხოვნის წარდგენის შემდგომ, ამასთან პირგასამტეხლოს ოდენობის დარიცხვა განხორციელდება მოთხოვნის წარმოშობის მომენტიდან, მიუხედავად წერილობითი მოთხოვნის გაგზავნის თარიღისა.

2.8. ნებისმიერი მხარე უფლებამოსილია „ხელშეკრულებით“ გათვალისწინებული მისი ნებისმიერი უფლება/საჩქები, რომლებიც წარმოშობილია „შემსყიდველის“ მხრიდან „ხელშეკრულების“ დარღვევის შედეგად, თავისი შეხედულებისამებრ გამოიყენოს როგორც ცალ-ცალკე, ასევე ერთობლივად.

### 3. ანგარიშსწორების პრობემის დარღვევის სამართლებრივი შედეგები

3.1. „შემსყიდველის“ მიერ „მიმწოდებლის“ წინაშე ნაკისრი ფინანსური ვალდებულების დარღვევის შემთხვევაში, „მიმწოდებელი“ უფლებამოსილია გადახედოს წინამდებარე ხელშეკრულებას და მოითხოვოს მასში შესაბამისი ცვლილებების შეტანა.

3.2. ფინანსური ვალდებულების დარღვევაში იგულისხმება ხელშეკრულებით დადგენილ ვადაში „შემსყიდველის“ მიერ „მიმწოდებლისთვის“ თანხის არ ან/და არასრულად გადახდა.

3.3. ცვლილებები შეეხება ანგარიშსწორებასთან დაკავშირებულ პრობემებს, მათ შორის, გაწეულ ან/და გასაწევ მომსახურებაზე თანხის გადახდის ვადებს და „შემსყიდველის“ მიერ „მიმწოდებლის“ წინაშე შესასრულებელი ფინანსური ვალდებულების უზრუნველყოფის საკითხებს.

3.4. თანხა გადახდილად ითვლება მხოლოდ იმ შემთხვევაში, როდესაც იგი ჩაირიცხება/აისახება „მიმწოდებლის“ საბანკო ანგარიშზე.

3.5. 3.1 პუნქტში განსაზღვრული ფაქტის დადგომის შემთხვევაში „მიმწოდებელი“ უგზავნის „შემსყიდველს“ წერილობით შეტყობინებას, რომელშიც აღწერილი იქნება ხელშეკრულებაში შესატანი ცვლილებები.

3.6. „შემსყიდველი“ 3.5 პუნქტის მიხედვით განსაზღვრული წერილობითი შეტყობინების მიღებიდან 10 სამუშაო დღის ვადაში უფლებამოსილია წერილობით დაეთანხმოს ხელშეკრულებაში შესაბამისი ცვლილებების შეტანას ან/და უარი განაცხადოს მათზე. „შემსყიდველის“ მიერ წერილობით შეტყობინებაში დაფიქსირებული მოთხოვნების არ ან/და ნაწილობრივ გაზიარება ჩაითვლება ხელშეკრულების არსებით დარღვევად და ამავდროულად უარად ხელშეკრულებაზე. შესაბამისად, „მიმწოდებელი“ უფლებამოსილი იქნება მოქმედი კანონმდებლობის დაცვით შეწყვიტოს ან/და შეაჩეროს წინამდებარე ხელშეკრულება „შემსყიდველის“ მხრიდან ხელშეკრულების არსებითი პრობემის დარღვევის მიზეზით.

### 4. ხელშეკრულების მოქმედების ვადა

4.1. წინამდებარე ხელშეკრულება ძალაში შედის 2017 წლის 1 იანვრიდან და მოქმედებს 2018 წლის 1 თებერვლის ჩათვლით.

### 5. მომსახურების მიწოდების პრობემა

5.1. „მიმწოდებელი“ უზრუნველყოფს „შემსყიდველს“ ინტერნეტ მომსახურებით, რომლის მიწოდებაც ხორციელდება დანართ(ებ)ში მოცემული პირობებით:

5.2. იმ შემთხვევაში, თუ გაუფრთხილებლად შეწყდება ინტერნეტის მომსახურების მიწოდება „მიმწოდებლის“ ბრალეულობით 6 საათზე მეტი დროით, რაც არ იქნება განპირობებული „შემსყიდველის“ დაუდევრობით ან ფორს-მაჟორით და ექსპლუატაციის შეწყვეტის ხანგრძლივობა აღემატება ექვს მიმდევრულ საათს, მომხმარებელი უფლებამოსილია მოითხოვოს გადასახადის კომპენსირება. კომპენსირების ზომა თითოეულ გათიშულ მომსახურების მიწოდებაზე გაითვლება შემდეგი ფორმულის თანახმად:

$$N=P*(T-6)/Tn$$

P არის დანართით განსაზღვრული ჯამური გადასახადი გათიშულ მომსახურებაზე, T არის მომსახურების გათიშვის ხანგრძლივობა (საათი), Tn არის საათების რაოდენობა შესაბამისი თვის განმავლობაში.

კომპენსირება განხორციელდება მორიგი გადასახადის პროპორციულად შემცირების გზით.

### 6. ხელშეკრულების შეწყვეტა

6.1. „მიმწოდებელს“ შეუძლია ვადამდე შეწყვიტოს ხელშეკრულება თუ „შემსყიდველმა“ დაარღვია სახელშეკრულებო ვალდებულებები. ამ შემთხვევაში „მიმწოდებელი“ წერილობით აცნობებს „შემსყიდველს“ აღნიშნულის შესახებ და განუსაზღვრავს 15 (თხუთმეტი) დღიან ვადას დარღვევების აღმოსაფხვრელად. დადგენილი ვადის უშედეგოდ გასვლის შემთხვევაში ხელშეკრულება ითვლება შეწყვეტილად.

6.2. წინამდებარე ხელშეკრულების მე-2 მუხლში განსაზღვრული პრობემის დარღვევის შემთხვევაში, „მიმწოდებელი“ უფლებამოსილია ყოველგვარი დამატებითი გაფრთხილების გარეშე შეწყვიტოს წინამდებარე ხელშეკრულება. ამასთან,

ხელშეკრულების შეწყვეტისთანავე „მიმწოდებელი“ აცნობებს „შემსყიდველს“ ამის შესახებ და წინამდებარე ხელშეკრულება ჩაითვლება ძალადაკარგულად „შემსყიდველისთვის“ წერილობითი შეტყობინების გაგზავნის დღიდან.

- 6.3. წინამდებარე ხელშეკრულების შეწყვეტის სხვა საფუძვლები:
  - 6.3.1. მხარეთა წერილობითი შეთანხმება;
  - 6.3.2. მხარეთა მიერ ნაკისრი ვალდებულებების შეუსრულებლობა;
  - 6.3.3. წინამდებარე ხელშეკრულების მე-3 მუხლში მითითებული ვადის გასვლა;
  - 6.3.4. ერთ-ერთი მხარის ლიკვიდაცია;
  - 6.3.5. ერთ-ერთი მხარის მიმართ გადახდისუნარიობის საქმის წარმოების დაწყება;
  - 6.3.6. საქართველოს კანონმდებლობით გათვალისწინებული სხვა საფუძვლები.

## 7. ფორს მაჟორი (დაუძლეველი ძალა)

- 7.1. მხარეები თავისუფლდებიან პასუხისმგებლობისაგან მათ მიერ ნაკისრი ვალდებულებების სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ხელშეკრულებით გათვალისწინებული ვალდებულებების შესრულება.
- 7.2. „დაუძლეველი ძალის“ ქვეშ იგულისხმება გარემოებები, რომლებიც არ არსებობენ ხელშეკრულების დადების დროს და რომელთა დადგომა თუ ზემოქმედება მხარეებს არ შეუძლიათ თავიდან აეცილებინათ და გადაელახათ.
- 7.3. დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა), აფეთქებები (მათ შორის ტერორისტული თუ დივერსიული აქტები), საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს მხარეთა მიერ ნაკისრი ვალდებულებების შესრულებას და სხვა.
- 7.4. თუ ზემოხსენებულმა გარემოებებმა უშუალოდ იმოქმედეს ხელშეკრულებით ნაკისრი ვალდებულებების შერულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება. მხარემ, რომლისათვისაც ფორსმაჟორული გარემოებების დადგომის გამო შეუძლებელი გახდა ვალდებულებების შესრულება, ვალდებულია დაუყოვნებლივ, მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს მეორე მხარეს წერილობით. შეტყობინებლობის, ან დაგვიანებით შეტყობინების შემთხვევაში მხარე კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისაგან გათავისუფლების საფუძველს.

## 8. საკონტაქტო ინფორმაცია:

	მიმწოდებელი	შემსყიდველი
ცხელი ხაზი	+995 32 2193000 +995 32 2404040	
ელექტრონული ფოსტა	info@delta-net.ge	
კომერციული საკონტაქტო პირი	თეონა ხაჭაპურიძე	
ტელეფონის ნომერი	+995 32 2193000 *607	
მობილური	+995 577 588 381	
ელექტრონული ფოსტა	t.khachapuridze@delta-net.ge	
ხელმისაწვდომი	24/7	
ტექნიკური საკონტაქტო პირი	ნიკა გიორგაძე	
ტელეფონის ნომერი	+995 32 2193000 *667	
მობილური	+995 577 595 727	
ელექტრონული ფოსტა	nikagiorgadze@delta-net.ge	
ხელმისაწვდომი	24/7	
კომერციული საკონტაქტო პირი	ნანა რატიანი	
ტელეფონის ნომერი	+995 32 2193000 *606	
მობილური	+995 577 24 60 61	
ელექტრონული ფოსტა	n.ratiani@delta-net.ge	
ხელმისაწვდომი	24/7	

9. სხვადასხვა დებულებები

- 9.1. თითოეული მხარე ვალდებულია შეასრულოს წინამდებარე ხელშეკრულების პირობები ორმხრივი კეთილი ნებისა და კეთილსინდისიერების პრინციპების შესაბამისად.
- 9.2. წინამდებარე ხელშეკრულების მხარეთათვის მინიჭებული უფლებები და მოვალეობები არ შეიძლება გადაეცეს ნებისმიერ მესამე პირს ან შეიცვალოს, მეორე მხარის წერილობითი თანხმობის გარეშე.
- 9.3. წინამდებარე ხელშეკრულების პირობები სავალდებულოა როგორც მხარეებისათვის, ისე მათი უფლებამონაცვლეებისათვის.
- 9.4. ამ ხელშეკრულების მოქმედების პერიოდში მხარეებს შორის წარმოშობილი ყველა სადავო საკითხი პირველ რიგში გადაწყდება მხარეთა ურთიერთმოლაპარაკების გზით, ხოლო შეთანხმების მიუღწევლობის შემთხვევაში, დავა, მათ შორის, დაკავშირებული წინამდებარე ხელშეკრულების მოშლასთან, შეწყვეტისთან ან ბათილობასთან, განხილული და გადაწყვეტილი იქნება სასამართლოს მიერ საქართველოს კანონმდებლობის შესაბამისად..
- 9.5. ხელშეკრულების ცალკეული დებულებების ბათილობა არ იწვევს ხელშეკრულების დანარჩენი დებულებების ბათილობას, თუ შესაძლებელია ხელშეკრულების საგნის მიღწევა. ხელშეკრულების რომელიმე დებულების ბათილობის შემთხვევაში მხარეები შეეცდებიან შეცვალონ ბათილი დებულება ისეთი დებულებით, რომელიც ყველაზე უკეთ ასახავს ხელშეკრულების მოქმედი მუხლების შინაარსს.
- 9.6. წინამდებარე ხელშეკრულება აუქმებს მხარეებს შორის ამ საგანზე ადრე გაფორმებულ ყველა ხელშეკრულებას.
- 9.7. ხელშეკრულების დანართი N1 წარმოადგენს მის განუყოფელ ნაწილს და ძალაშია ამ ხელშეკრულებასთან ერთად.
- 9.8. ხელშეკრულება დადებულია ქართულ ენაზე, სამი თანაბარი იურიდიული ძალის მქონე ეგზემპლარად, რომელთაგან ორი ინახება შემსყიდველთან, ხოლო ერთი- მიმწოდებელთან.

10. მხარეთა რეკვიზიტები:

შემსყიდველი

სსიპ „სსდ ცენტრი“

ს/კ: 205307960

ფაქტიური მისამართი:

ქ.თბილისი, აკ.წერეთლის გამზ.#117

იურიდიული მისამართი:

ქ.თბილისი, აკ.წერეთლის გამზ.#144

დაფინანსების წყარო

სახელმწიფო ბიუჯეტი

საბანკო რეკვიზიტები:

ბანკის ერთიანი ანგარიში

ბანკის კოდი - TRESGE22

შიდა ანგარიში - 200122900

სახაზინო კოდი - 3503030702

მიმწოდებელი

შპს „დელტა-ნეტი“

ს/კ: 404398503

იურიდიული მისამართი:

საქართველო, ქ. თბილისი,

დიდუბე-ჩუღურეთის რაიონი,

გაფრინდაულის ქ., №2

საბანკო რეკვიზიტები:

ს.ს. „თიბისი ბანკი“

ბანკის კოდი: TBCBGE22

ა/ა GE03TB7244836070100001

დავით ტორუა



გია კომორიძე



ვიზირებულია:

ა. შეყილაძე

ბ. ტარულიშვილი

ვ. ჭანიშვილი

გ. თოფურია

გ. აბულაძე

შემსრულებელი:

ლ. თავაძე

Handwritten signatures of the State Social Defense Center representatives over horizontal lines.

**სახელმწიფო შესყიდვის შესახებ ხელშეკრულება N 21/12/16-ის  
დანართი №1**

ქ. თბილისი

30 დეკემბერი 2016 წელი

შპს „დელტა-ნეტს“ (შემდგომში „მიმწოდებელი“) და სსიპ „სასწრაფო სამედიცინო დახმარების ცენტრი“ (შემდგომში „შემსყიდველი“) მათ შორის 2016 წლის 30 დეკემბერს გაფორმებული ხელშეკრულების შესაბამისად „მიმწოდებელი“ უზრუნველყოფს ინტერნეტ მომსახურების მიწოდებას ოცდაოთხსაათიან რეჟიმში შემდეგ მისამართებზე და პირობებით:

დასახელება	მომსახურების მიწოდების ადგილი	არხში მონაცემთა გადაცემის სიჩქარე და მიმართულება	ჩართვის (ინსტალაციის) თარიღი	ყოველთვიური გადასახადი ლარში დღგ-ს ჩათვლით
ინტერნეტ მომსახურება –	ქ.ქობულეთი, აბაშიძის #18 მიმდებარე ტერიტორია	გლობალი – 1მბ/წმ ლოკალი – 5მბ/წმ	01.01.2017	180
ინტერნეტ მომსახურება –	შუახევი, რუსთაველის #32	გლობალი – 1მბ/წმ ლოკალი – 5მბ/წმ	01.01.2017	180

**მხარეთა რეკვიზიტები:**

**შემსყიდველი**  
სსიპ „სსდ ცენტრი“  
ს/კ: 205307960  
ფაქტიური მისამართი:  
ქ.თბილისი, აკ.წერეთლის გამზ.#117  
იურიდიული მისამართი:  
ქ.თბილისი, აკ.წერეთლის გამზ.#144  
დაფინანსების წყარო  
სახელმწიფო ბიუჯეტი  
საბანკო რეკვიზიტები:  
ხაზინის ერთიანი ანგარიში  
ბანკის კოდი - TRESGE22  
შიდა ანგარიში - 200122900  
სახაზინო კოდი - 3503030702

**მიმწოდებელი**  
შპს „დელტა-ნეტს“  
ს/კ: 404398503  
იურიდიული მისამართი:  
საქართველო, ქ. თბილისი,  
დიდუბე-ჩუღურეთის რაიონი,  
გაფრინდაულის ქ., №2  
საბანკო რეკვიზიტები:  
ს.ს. „თიბისი ბანკი“  
ბანკის კოდი: TBCBGE22  
ა/ა GE03TB7244836070100001

დავით ტორუა

